

NARATOR: AFRODITA TOTSILI

Audio shi transkriptsii: Iana Mihailova

Mine escu Totsili Afrodita, di Crushuva, faptă, bănedz Scopia. Ca njică, tsân minte, mǎljurle, nai multu nă spunea un pǎrmit ti Ciuciumangiur. Tsi sh-ira, ma nu sh-ira! Sh-ira ună moashe sh-un aush, sh-băna ună etă tu ună njică căsică. Noave fumelji, noave nipots, noave cu cai s-hărisească, ira multu singuri shi totăna minduea iu s-află un njic ta s-lu tsănă, s-hărisească. Ma, eta tută dzălili sh-tritsea, năsh armănea singuri, nu putea s-află njic. Avea mash un shoaric tsi tritsea pi tu casa a lor, inshea di tu ună guvă intra tu alantă shi s-priimna pi tu casă. Ună dzuă moasha lji dzăsi a aushlui:

- Aidi s-nă lu lom aistu shoaric, s-nă hibă ficior.

Sh-apufusiră, ăl loară shoariclu, lu ăndreapsiră shi lj-deadiră numa Ciuciumangiur. Ghini ma, Ciuciumangiur nu ira multu fronim. Alăga pi tu casă, s-hidzea tu guve, lă si alina pi masă. Ghine, ashi tritsea dzălile, aushlu cu moasha s-hărisea Iara ca are vǎrnă ănvărliga di năsh. Ună dzuă maia, moasha băgă s-harbă fisulj. Cum ira tingerea pi foc, avea sh-căpache, ama Ciuciumangiur ca di totăna tsi s-alina tu tute locuri, sh-tsi s-hidzea pi tu tute guve, s-alină sh-pi shporet, shi s-alină sh-pi tingerea iu s-hirbea fisuljlu. Moashea lji dzătsea:

- Hilj dipună ti di aclotse, ca va s-dishclidă căpachea di abura sh-va-s cadz nuntru. Ghine ma, Ciuciumangiur ca Ciuciumangiur, totăna fătsea, alăga ănvărliga, s-hidzea iu nu lipsea sh-aistă oară s-alină pi căpache, căpachea s-dishclise di abure sh-năs cădzu nuntru. Vine aushlu di nafoară:

- A lea moashe, iu lu ai Ciuciumangiur?

- Abre nu shciu, ira atsia, am nu shciu iu s-duse.

Caftă aoa, caftă aclo, Ciuciumangiur iuva nu-l are. Căndu cucotlu acătsă s-căntă di nafoară.

- Cucuricu - ricu. Ciuciumangiur tu oală, mash moasha sh-aushlu nafoară. Sh-aisciă s-ciudusea, cătse căntă ashitse cucotlu? S-ciudusiră tsi s-ciudusiră, căftară tsi căftară, vidzură că nu poate s-lu află, shidzură s-măcă. Căndu, tsi s-veadă? Ciuciumangiur hertu cu fisuljlu. Plămsiră corghilj, plămsiră, lu scoasiră, lu ăngrupară, lj-adrară ună groapă sh-cafi dzuă s-dutsea la groapă. A cucotlu cafi dzuă cănta:

- Ciuciumangiur tu oală, moasha cu aushlu nafoară!

Sh-ashi bitisi pǎrmitlu a nostru!